

BOSNA I HERCEGOVINA
FEDERACIJA BOSNE I HERCEGOVINE
BOSANSKO – PODRINJSKI KANTON GORAŽDE

ZAKON
o izmjenama i dopunama Zakona o ministarstvima i drugim tijelima Kantonalne uprave
Bosansko – podrinjskog kantona Goražde
(Nacrt)

Nosilac izrade: Ministarstvo za pravosuđe, upravu i radne odnose

Goražde, maj 2017. godine

Na osnovu člana 23. Ustava Bosansko – podrinjskog kantona Goražde (“Službene novine Bosansko – podrinjskog kantona Goražde”, broj: 8/98, 10/00 i 5/03), Skupština Bosansko – podrinjskog kantona Goražde, na sjednici održanoj dana _____. godine,
d o n o s i,

Z A K O N

o izmjenama i dopunama Zakona o ministarstvima i drugim tijelima Kantonalne uprave Bosansko –podrinjskog kantona Goražde

Član 1.

U Zakonu o ministarstvima i drugim tijelima Kantonalne uprave Bosansko – podrinjskog kantona Goražde („Službene novine Bosansko – podrinjskog kantona Goražde“, broj:9/13), u članu 6. dodaje se novi stav (2) koji glasi:

(2) U sastavu Ministarstva za pravosuđe, upravu i radne odnose Bosansko – podrinjskog kantona Goražde je Zavod za besplatnu pravnu pomoć koji vrši upravne i stručne poslove pružanja pravne pomoći fizičkim licima prema uslovima propisanim zakonom koji se odnose na:

- opšte informacije o pravima i obavezama,
- pomoć pri popunjavanju obrazaca za ostvarivanje prava na besplatnu pravnu pomoć,
- pravne savjete,
- pravnu pomoć pri sastavljanju svih vrsta pismena,
- zastupanje pred organima uprave i drugim organima i institucijama,
- zastupanje na sudu,
- sačinjavanje apelacija,
- pravna pomoć u postupcima mirnog rješavanja spora (medijacija),
- i drugi poslovi propisani zakonom.

Član 2.

U članu 7. iza stava (1) dodaje se novi stav (2) koji glasi: „Ministarstvo za privredu preuzima i vrši poslove iz nadležnosti Direkcije robnih rezervi , i to:

- nabavku, razmještaj, obnavljanje, čuvanje i upotrebu robnih rezervi rezervi Kantona;
- provođenje mjera radi intervencije na tržištu;
- poduzimanje mjera otklanjanja poremećaja u snadbjevanju prouzrokovanih prirodnim nepogodama i drugim vandrednim prilikama;
- uskladištenje, čuvanje i distribucija roba namjenjenih kao humanitarna pomoć, socijalna i druga davanja, zaprimljena od strane drugih organa u Federaciji BiH i Kantonu;
- uskladištenje i čuvanje roba oduzetih u inspekcijском nadzoru na području Kantona,
- nabavka i distribucija energenata koji se koriste za zagrijavanje radnih prostorija kantonalnih institucija i organa;
- saradnja sa organima za robne rezerve u Federaciji Bosne i Hercegovine, drugim kantonima, opštinama i privrednim društvima;

- izrada i donošenje prijedloga i nacрта akata iz nadležnosti rada Direkcije;
- izrada analitičkih, informativnih i drugih materijala iz oblasti Direkcije; čuvanje i upotreba robnih rezervi Kantona;
- provođenje mjera radi intervencija na tržištu;
- zanojljavanje robnih rezervi rezervi;
- saradnja sa organima za robne rezerve u Federaciji, drugim kantonima, opštinama i privrednim društvima.“

Dosadašnji stav (2) postaje stav (3).

Član 3.

U članu 11. stav (2) se briše.

Dosadašnji stav (3) postaje stav (2) u kojem se uvodna rečenica mijenja i glasi: „Ministarstvo za urbanizam, prostorno uređenje i zaštitu okoline preuzima poslove iz nadležnosti Kantonalnog stambenog fonda, koji se odnose na:“

Član 4.

U članu 12. stav (2) se briše.

Dosadašnji stav (3) postaje stav (2) u kojem se uvodna rečenica mijenja i glasi: „Ministarstvo za obrazovanje, mlade, nauku, kulturu i sport preuzima poslove iz nadležnosti Pedagoškog zavoda, koji se odnose na:“

Član 5.

Član 17. se briše.

Član 6.

U članu 18. u stavu (1) uvodna rečenica mijenja se i glasi: „Služba za zajedničke poslove kantonalnih organa Bosansko – podrinjskog kantona Goražde preuzima poslove iz nadležnosti Arhiva Kantona, koji se odnose na:“

Član 7.

Članovi 19. i 20. se brišu.

Član 8.

U članu 25. u stavu (2), tačke d) i e) se brišu.

Član 9.

U članu 26. u stavu (1), tačke c) i d) se brišu.

Član 10.

Član 27. se briše.

Član 11.

- (1) Stupanjem na snagu ovog Zakona Ministarstvo za pravosuđe, upravu i radne odnose Bosansko – podrinjskog kantona Goražde preuzima državne službenike i namještenike, arhivu i dokumentaciju i sredstva rada Zavoda za besplatnu pravnu pomoć.
- (2) Stupanjem na snagu ovog Zakona Ministarstvo za privredu Bosansko – podrinjskog kantona Goražde preuzima državne službenike i namještenike, arhivu i dokumentaciju i sredstva rada Direkcije robnih rezervi.
- (3) Stupanjem na snagu ovog Zakona Služba za zajedničke poslove kantonalnih organa Bosansko – podrinjskog kantona Goražde preuzima državne službenike i namještenike, arhivu i dokumentaciju i sredstva rada Arhiva Kantona.

Član 12.

Stupanjem na snagu ovog Zakona u roku od 6 mjeseci donijet će se izmjene i dopune slijedećih zakona i drugih propisa:

- Zakon o pružanju besplatne pravne pomoći („Službene novine Bosansko – podrinjskog kantona Goražde“, broj:2/13);
- Zakon o robnim rezervama („Službene novine Bosansko – podrinjskog kantona Goražde“, broj:5/00);
- Zakon o arhivskoj građi Bosansko – podrinjskog kantona Goražde („Službene novine Bosansko – podrinjskog kantona Goražde“, broj:11/03);
- Zakon o predškolskom odgoju i obrazovanju Bosansko – podrinjskog kantona Goražde („Službene novine Bosansko – podrinjskog kantona Goražde“, broj:15/09 i 7/14);
- Zakon o osnovnom odgoju i obrazovanju Bosansko – podrinjskog kantona Goražde („Službene novine Bosansko – podrinjskog kantona Goražde“, broj:5/16);
- Zakon o srednjem obrazovanju i odgoju Bosansko – podrinjskog kantona Goražde („Službene novine Bosansko – podrinjskog kantona Goražde“, broj:10/11 i 5/16);
- Uredba o osnivanju Ureda Vlade i Premijera Bosansko – podrinjskog kantona Goražde („Službene novine Bosansko – podrinjskog kantona Goražde“, broj:4/10);
- Uredba o osnivanju Službe za odnose sa javnošću („Službene novine Bosansko – podrinjskog kantona Goražde“, broj:7/15);
- Uredba o osnivanju Službe za zajedničke poslove („Službene novine Bosansko – podrinjskog kantona Goražde“, broj:5/16).

Član 13.

Stupanjem na snagu zakona i propisa iz člana 12. ovog zakona u roku od 60 dana Ministarstvo za pravosuđe, upravu i radne odnose Bosansko – podrinjskog kantona Goražde, Ministarstvo za privredu Bosansko – podrinjskog kantona Goražde, Ministarstvo za urbanizam, prostorno uređenje i zaštitu okoline Bosansko – podrinjskog kantona Goražde, Ministarstvo za obrazovanje, mlade, nauku, kulturu i sport Bosansko – podrinjskog kantona Goražde, Ured Vlade i Premijera Bosansko – podrinjskog kantona Goražde i Služba za zajedničke poslove kantonalnih organa Bosansko – podrinjskog kantona Goražde dužni su

usaglasiti svoje Pravilnike o unutrašnjoj organizaciji i sistematizaciji radnih mjesta, u skladu sa ovim Zakonom.

Član 14.

Ovaj Zakon stupa na snagu narednog dana od dana objavljivanja u „Službenim novinama Bosansko – podrinjskog kantona Goražde“.

Broj:
Goražde,

Predsjedavajuća Skupštine

Aida Obuća

O b r a z l o ž e n j e

I PRAVNI OSNOV

Pravni osnov za donošenje Zakona o izmjenama i dopunama Zakona o ministarstvima i drugim tijelima kantonalne uprave BPK-a Goražde sadržan je u članu 23. Ustava Bosansko – podrinjskog kantona Goražde (“Službene novine Bosansko – podrinjskog kantona Goražde”, broj: 8/98-prečišćeni tekst, 10/00 i 5/03).

II RAZLOZI ZA DONOŠENJE

Ministarstvo za pravosuđe, upravu i radne odnose izradilo je Elaborat o opravdanosti postojanja pojedinih jedinica unutar uprave kantona, kojeg je Vlada Kantona usvojila svojim Zaključkom broj:03-05-820/16 od 02.06.2016. godine. U pomenutom Elaboratu predviđeno je ukidanje pojedinih samostalnih upravnih organizacija (Arhiv Kantona, Direkcija robnih rezervi, Zavod za pružanje besplatne pravne pomoći, kao i Službe za odnose sa javnošću koja je osnovana Uredbom), upravnih organizacija u sastavu ministarstva (Pedagoški zavod i Kantonalni stambeni fond) i Agencije za privatizaciju. Takođe, Akcionim planom za realizaciju mjera iz Analize stanja uprave Bosansko – podrinjskog kantona Goražde 2016-2018. predviđeno je u 2017. godini donošenje Zakona o izmjenama i dopunama Zakona o ministarstvima i drugim tijelima kantonalne uprave, gdje bi se normativno uredilo ovo pitanje u skladu sa Elaboratom.

III OBRAZLOŽENJE PRAVNIH RJEŠENJA

Član 1. – ovom odredbom utvrđeno je da se u sastavu Ministarstva za pravosuđe, upravu i radne odnose BPK-a Goražde nalazi Zavod za besplatnu pravnu pomoć kao unutrašnja organizaciona jedinica, kao i opis poslova pomenutog Zavoda.

Član 2. – ovim članom utvrđeno je da Ministarstvo za privredu BPK-a Goražde preuzima i vrši poslove iz nadležnosti Direkcija robnih rezervi.

Član 3.- utvrđeno je da Ministarstvo za urbanizam, prostorno uređenje i zaštitu okoline preuzima poslove iz nadležnosti Kantonalnog stambenog fonda.

Član 4. – utvrđeno je Ministarstvo za obrazovanje, mlade, nauku, kulturu i sport preuzima poslove iz nadležnosti Pedagoškog zavoda.

Član 5. – brišu se član 17. Zakona o ministarstvima i drugim tijelima kantonalne uprave Bosansko – podrinjskog kantona Goražde, gdje su bile utvrđene samostalne upravne organizacije.

Član 6. – mijenja se član 18. stav (1) u kojem je regulisano da Služba za zajedničke poslove kantonalnih organa preuzima poslove iz nadležnosti Arhiva Kantona.

Član 7. – Brišu se članovi 19. i 20. kojima su bili regulisani poslovi Direkcije robnih rezervi i Zavoda za besplatnu pravnu pomoć.

Član 8. – brišu se u članu 25. u stavu (2) tačke d) i e) Zakona o ministarstvima i drugim tijelima kantonalne uprave Bosansko – podrinjskog kantona Goražde, gdje je bilo utvrđeno da stupanjem na snagu trenutno važećeg Zakona nastavljaju da rade uprave i upravne organizacije Kantonalni stambeni fond u sastavu Ministarstva za urbanizam, prostorno uređenje i zaštitu okoline BPK-a Goražde i Pedagoški zavod u sastavu Ministarstva za obrazovanje, mlade, nauku, kulturu i sport BPK-a Goražde, jer su isti predhodnim članovima Nacrta Zakona o izmjenama i dopunama Zakona o ministarstvima i drugim tijelima kantonalne uprave BPK-a Goražde, prešli u nadležnost pomenutih ministarstava.

Član 9.- briše se u članu 26. u stavu (1) tačke c) i d) Zakona o ministarstvima i drugim tijelima kantonalne uprave Bosansko – podrinjskog kantona Goražde, gdje je bilo utvrđeno da stupanjem na snagu trenutno važećeg Zakona nastavljaju da rade samostalne uprave i samostalne upravne organizacije Arhiv Kantona i Direkcija robnih rezervi, jer je Arhiv Kantona izbrisan u predhodnim članovima i isti će biti u sastavu Službe za zajedničke poslove kantonalnih organa uprave BPK-a Goražde, dok će Direkcija robnih rezervi biti u sastavu Ministarstva za privredu.

Član 10.- briše se član 27. Zakona o ministarstvima i drugim tijelima kantonalne uprave Bosansko – podrinjskog kantona Goražde u kojem je bio regulisan početak rada Zavoda za besplatnu pravnu pomoć i imenovanje direktora.

Član 11. – regulisano je preuzimanje državnih službenika i namještenika, arhive i dokumentacije i sredstava za rad Zavoda za besplatnu pravnu pomoć, Direkcije robnih rezervi, Kantonalnog stambenog fonda, Pedagoškog zavoda i Arhiva Kantona.

Član 12. – utvrđen je rok za izmjene zakona i drugih propisa koje će se trebati donijeti stupanjem na snagu ovog Zakona.

Član 13.- utvrđen je rok za usklađivanjem Pravilnika o unutrašnjoj organizaciji i sistematizaciji.

Član 14.- odredbom ovog zakona propisano je stupanje na snagu istog.

IV - OČEKIVANI EFEKTI

Donošenjem ovog zakona doći će do reorganizacije javne uprave, jer se pojedine institucije prilagođavaju novim potrebama i standardima djelovanja, radi efikasnijeg i kvalitetnijeg obavljanja povjerenih poslova od javnog interesa, jer obuhvata statusne, organizacione i koncepcijske promjene u funkciji ostvarivanja svojih ciljeva i zadataka, jer se pojedine institucije ukidaju, pripajaju i slično, a samim tim dolazi i do smanjenja značajnih finansijskih sredstava.

IV FINANSIJSKA SREDSTVA

Donošenje ovog Zakona ne iziskuje dodatna novčana sredstva, već će doći do uštede budžetskih sredstava što se ne može trenutno utvrditi jer će to zavisiti od više faktora (raspoređivanje uposlenika, materijalnih troškova i slično).

